

# КПСС-н ЦК-н майск Пленумин шийдврийг шундж күүцэхин төлө

Майн 30-д болсн Элст балгьсна партийн комитетин 3-ч пленум, КПСС-н ЦК-н майск Пленумин шийдвр болн балгьсна партийн организацсин өмн тэвгддхэ төрмүдин тускар күүндвр кев.

Доклад кесн, КПСС-н балгьсна комитетин негдгч сеглэтр үр Трубицын болн күүндврт орлцдж үг келцэхсн улс, цуг советс олн-амтн, эдн дунд балгьсна күүч-көлсчнр, КПСС-н Центральн Комитетин гаргьсн, химическ промышленность хурдар цааранднь бсгхин тускар темдглсн зурала нег дуугьар зөвшөрцхэв, эннь мана Коммунистическ партин олн-амтнэ саягьинь хяадж кеджэх кERG-үүлдвр гидж заацхав. Мана Ставропольск крайд химическ промышленность бсхд ик аргь баянэ, Хальмг таньгьчд чигн бөрхн джилмүдт тинм промышленность гарх хаалгь секгддхэна гидж Пленум деер келгдв.

Докладчик, КПСС-н ЦК-н майск Пленумин гаргьсн, химическ промышленность орнутгт делгрүүлгьгээр темдглсн агьу ик программин тускар келад, бдгэ цагт эн төриг күүцэлгьн государствени болн политическ ик чинр зүүджэна гидж темдглв.

Ставропольск совнархоз эн джилин хойрдгч брэлд Элст

балгьсна эргнд газр дорас газ хяадж олх шийдвр авб, манд хулсн ик баянэ, селанэ эдлахугьас голлдж гаргьгдгд, химическ промышленностьд олздж болх тоот юмн элвг, тегд энүнэ ашднь балгьснд даругьас химическ предприятиес тосхдж болхмн гидж үр Трубицын келв.

Докладчик болн босдж үг келцэхсн уле күүч-көлсчнрт КПСС-н ЦК-н майск Пленумин шийдврийг өргнэр цээлгьдх бсхд, химическ медрл олн дунд тархад оньган тэвцхэдх, эн төрэр лекцс, докладс олар умшгдх, агитатормуд күүндвр келцэх, газетс тасрлан угагар бичх зөвтэ гидж заацхав.

Балгьсна партийн организац, КПСС-н ЦК-н майск Пленумин тэвсн төрмүдиг күүцэлгьн дахулдж, балгьсна предприятиес, тосхлтс болгьн государствени зурагьан эрк биш сар, квартал болгьнд күүцэхин төлө ноолдлгьинь чаньгьадж, 1958 джилд авсн социалистическ даалгьвран диилвртэгьгээр күүцэхд пленум деер ик килмдж тэвгддх келгдв.

Балгьсна промышленность 4 сара зурагьан 104 процент күүцэв. Болв, сулар күүдлджэх предприятиес чигн баянэ. Балгьснд тосхлт хашньгар келдхэна. Тосхлтин негдгч управ-

лень 5 сара зурагьан арэн гидж 21 процент, тосхлтин хойрдгч управлень — 64 процент күүцэв. Көдлмшт торвр гарад, көдлмшчнр хара зогсдг, көдлмштэн эс гардг йовдл тосхлтд йир ик.

Күүндврт орлцхасн, тосхлтин хойрдгч управленэ начальник үр Сергеев, тосхлтин хальмг трестин начальникин дарук үр Зундугинов, горкомхозин заведующ үр Болдырев, госбанкин конторин управляющ үр Юрин, балгьсна прокурор Кушенко, КПСС-н балгьсна комитетин сеглэтр үр Бимбаев болн нань чигн улс, КПСС-н ЦК-н майск Пленумин шийдврэс иштэ балгьсна промышленностин, тосхлтин өмн гарцах төрмүдиг диилвртэгьгээр күүцэхд, КПСС-н балгьсна комитетин, балгьсна күүцэгч комитетин, цуг эклц партийн организацсин оньгнь тусх зөвтэ, гардгч улсин даалгьвринь бөддүүлхмн гидж келцхэв.

Пленумд КПСС-н таньгьчин комитетин сеглэтр үр Саврушов, таньгьчин күүцэгч комитетин ахлач үр Сангаев босдж үг келцхэв.

КПСС-н балгьсна комитетин пленум, КПСС-н ЦК-н майск Пленумин шийдврлэ нег дуугьар зөвшэрэд, күүндвр кесн төрари делгү токтавр авб.